



Nettstar As
Helge Vindenes
Postboks 10
5908 ISDALSTØ

Referanser:
Dykkar:
Vår: 23/6569 - 23/68536

Saksbehandlar:
Anne Lise Molvik
anne.lise.molvik@alver.kommune.no

Dato:
04.10.2023

Avvist søknad om etablering av 19 nye trasear for fiberkablur i Alver kommune

Administrativt vedtak. **Saknr: 917/23**
Tiltakshavar: Nettstar As
Søknadstype:

VEDTAK:

Med heimel i plan- og bygningslova § 21-2 jf. byggesaksforskrifta § 5-4, vert søknad om etablering av 19 fiberkabeltrasear avvist. Når søknaden er avvist vert byggesaka avslutta.

Vi gjer merksam på at vi gjennom behandlinga av denne søknaden ikkje har realitetsbehandla tiltaket. Søknaden er avvist fordi han ikkje er tilstrekkeleg opplyst til at kommunen kan behandla søknaden. Dersom du søker på nytt må du leggja ved fullstendig søknad i tråd med regelverket sine krav til dokumentasjon. Sjå elles rettleiing under.

Tiltak

Nettstar AS søker om 19 nye fiberkabeltrasear i Alver kommune. Alle traseane er send inn som ein søknad.

Det vert elles vist til søknad journalført mottatt 01.09.2023 og tilleggsdokumentasjon journalført mottatt 08.09.2023.

VURDERING:

Kommunen har kontrollert søknaden og finn at han ikkje er fullstendig.

Kommunen kan ikkje vurdere om tiltaket krev søknad og løyve eller ta stilling til tiltaket ut frå mottatt dokumentasjon. Alle traseane er send inn som ein søknad. Karta er av ulik kvalitet, og gjev ikkje alltid ei tilfredsstillande oversikt over tiltaket som skal etablerast. Det er ikkje oppgitt

kva eigedom tiltaket skal plasserast på ved gards- og bruknummer, dokumentert samtykke frå grunneigar, eller at tiltaket er nabovarsla. Det ligg heller ikkje føre opplysningar om planstatus.

Kommunen vurderer at søknaden ikkje er tilstrekkeleg opplyst til at vi kan ta han til behandling, jf. pbl § 21-2, jf. SAK § 5-4.

Det vert her vist til orientering om søknadsplikt og krav til dokumentasjon som er gjeve i andre søknadar om etablering av fiberkabelstrekk i Alver kommune, t.d. vårt skriv datert 15.12.2022.

Det vert gjort merksam på at dette ikkje er ein fullstendig gjennomgang av søknaden. Denne tilbakemeldinga er gjort på bakgrunn av dei forholda som er kontrollert ved kommunen sin mottakskontroll. Vi oppmodar søkjar om å ta ein ny gjennomgang av søknaden før innsending av ny søknad.

Rettleiing ved innsending av nye søknadar.

Kvar deltrase skal sendast inn som eigen søknad. Følgjande dokumentasjon skal leggjast ved søknaden:

1. Oversiktskart over trase og detaljkart for kvart ilandføringspunkt. Alle nye tiltak som grøfter, koplingsskap, stolpar m.m. skal teiknast inn. Kartet skal vera i målestokk. Kommunen sitt kartrunlag skal nyttast. Kartet skal visa bygningar, vegar, grenselinjer m.m. Sjå www.nordhordlandskart.no.
2. Skildring av tiltaket. Trase og landtak skal skildrast **for kvar strekning**. Her nemnast m.a.:
 - a) Plassering av koplingsskap
Om det skal setjast opp frittståande skap eller om skap skal etablerast på eller ved eksisterande evt. ny stolpe
 - b) Trase fram til stolpe/skap
Om fiberkabelen skal leggjast i grøft eller klamrast på berg, korleis fiberkabelen skal leggjast i sjø/vatn, korleis kantvegetasjon vert berørt m.m.
3. Teikning/skisse av koplingsskap og andre konstruksjonar som skal etablerast.
4. Opplysningar om kva eigedom som er berørt ved gards- og bruknummer og namn på heimelshavar. Dette gjeld plassering av landtak og andre delar av anlegget dersom det inngår i søknaden.
5. Grunneigarerklæring eller anna dokumentasjon som viser at grunneigar er varsla og/eller har gitt samtykke.
6. Nabovarsel.
Dersom det vert vurdert at nabovarsel ikkje er nødvendig må det gjerast greie for i den enkelte søknad.
7. Forholdet til plangrunnlaget og plan- og bygningslova § 1-8.
Planstatus må gjevast opp, og det må søkjast om dispensasjon i den grad tiltaket ikkje er i samsvar med plangrunnlaget. Planstatus finn du her: arealplaner.no

Legg gjerne ved eit følgeskriv der det vert informert om tiltaket. Kommunen vil prioritera behandling av nye søknadar i samsvar med e-post datert 03.10.2023.

Alle søknadar skal sendast til kommunen sitt postmottak, post@alver.kommune.no.

Regelverk

Søknad om tiltak etter pbl må vere komplett før kommunen kan handsame den, jf. byggesaksforskrifta (SAK) § 5-4, jf. pbl § 21-4.

Søknad om tiltak må vere tilstrekkeleg opplyst før kommunen kan handsame den, jf. SAK § 5-4, jf. pbl §§ 21-2, jf. 21-4.

Mynde

Saka er handsama og avgjort administrativt i medhald av delegert mynde, jf. kommunelova § 5-3, 3.ledd og gjeldande delegeringsreglement.

Klage

Vedtaket er eit enkeltvedtak etter reglane i lov om offentlig forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Med vennleg helsing
Alver kommune, Plan og byggesak

Are Frøysland Grande
Avdelingsleiar

Anne Lise Molvik
Rådgjevar

Dette dokumentet er elektronisk godkjent og har difor ingen signatur.

Mottakarar:

Nettstar As

Postboks 10

5908

ISDALSTØ